



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Indictio, Acta & Decreta Synodi Diœcesanæ
Paderbornensis**

Diözese <Paderborn>

Nevhvsii, [1688]

Tit. VII. De Processionibus.

urn:nbn:de:hbz:466:1-36013

2. Ante omnia divinum Officium fiat statim horis tractim, integrè, distinctè, devotè & reverenter per eos ad quos spectat, observato tamen discrimine dierum solemnum à ferialibus.
3. Nemo sub Officio divino profanum quidpiam aut ab instituto alienum legat.
4. Deambulationes quoque nec non profana colloquia tempore divini Officij verita sint.
5. Proclamations forenses & denunciations quarumcunque venditionum vel rerum venalium etiam in templo fieri solitæ deinceps non fiant, nisi extra templum & Officio divino prorsus absoluto: tempore quo divinum officium peragitur, tabernæ non nisi pro viatoriis aperiuntur, neque aliquod genus Ludi publicè aut privatim instituatur.
6. Sub cultu divino à fabulis, risibus & alijs insolentijs omnino abstineatur.
7. Parochi summâ diligentia curent, ut Officium divinum debito tempore peragatur, ad Concionem diebus Dominicalibus & festis habendam imploratâ præviè ope Spiritus Sancti, Lectione librorum & meditatione diligentie sese disponant, ut auditores fructumcx auditione verbi divini reportent.

T I T U L U S VII.

De Processionibus.

I.

Cum Episcopi Diœcesani sit indicere, quando & quâ viâ tam ordinariæ quam extraordinariæ Processiones institui, dirigi, quasvè ad Ecclesiæ nominatum perduci debent; Laicis autem quibuscunque etiam jure Civili Processiones publicas sine Ordinarij Diœcesani licentiâ & consensu imperare sit interdictum. Nos sanctionibus Apostolicis & sacra Congregationis Cardinalium declarationibus inhærentes, omnibus & singulis Civitatis & Diœcesis nostræ Abbatibus, Præpositis, Archidiaconis, Pastoribus, Vicepastoribus, & quorumcunque Ordinum & Institutorum Prioribus, Guardianis, Rectoribus, & aliis quovis nomine nuncupatis Ecclesiarum Superioribus, etiam quovis Exemptionis à Diœcesanâ Jurisdictione privilegio munitis severissimis sub pœnis arbitrio nostro etiam tanquam Sedis Apostolicae Delegati imponendis, prohibemus, ne illorum quisquam ullam prorsus Processionem, supplicationem vel stationem in quaunque Diœcesis nostræ Urbe, Oppido, Pago, vel agro extra suæ Ecclesiæ seu Monasterij septa, foris, multò minus peregrinationem cum Processione, seu Processionem cum peregrinatione unquam & usquam sine expressa nostra nostrivè Vicarij in Spiritualibus Generalis licentiâ, indicere, instituere, dirigere, deducere seu obire audeat.

2. Omnes tamen prædicti quantumvis Exempti, tam Clerici Sæculares in Civitate vel Diœcesi nostrâ, qui beneficijs seu Officijs Ecclesiasticis gaudent, quam Regulares quicunque ad publicas Processiones ordinarias vel extraordinarias ex quacunque causâ ordinariâ nostrâ auctoritate indicatas vocati accedere debent, & contumaces pœnis arbitrarijs, alijsque Juris remedij puniri possunt, ijs tamen exceptis, quos Sedes Apostolica excipit.

3. Cæterum constat, quod Processiones per agros & campos peraguntur, ut populus Deum oret, quatenus segetes ac fruges terræ ab eo conserventur, verum ut alia plurima ita & hic mos hominum malitiâ depravatus est, quod per occasionem talis deambulationis, quæ Deo placando erat instituta, pleraque scelerata committantur, quamobrem omnes & singulos Parochos, Viceparochos & Ecclesiarii in Superiores serio admonemus ne vel minima ullis Commessationibus, Potationibus, alijsque lascivijs & insolentijs licentia relinquatur, & sicubi abusus tam altas radices egerunt, ut ager Dominicus non videatur repugnari posse, ad Nos nostrum Viciarium recurrent, ut opportunis remedij ejusmodi abusus tollantur.

4. Sanctissimum utique Eucharistiae Sacramentum piè & utiliter ad populi pietatem interdum in publicis processionibus ac supplicationibus, potissimum vero in Festo sanctissimi Corporis Christi, & per ejus octavam defertur, sed ne nimia frequentia debitam tanto Sacramento minuat reverentiam, rarius extra prædicta tempora id fiat, & non nisi in arduis causis de licentiâ & consensu nostro nostrivè Vicarij in spiritualibus Generalis.

5. Insu-

5. Insuper ad Processiones Corporis Christi decorandas juxta exemplum eorum, qui ingressum Dominicum in Hierosolymitam Urbem ramis & vestibus suis oblatis honorarunt, omnes viæ & plateæ, per quas sanctissimum Eucharistiae Sacramentum portabitur, mundentur, arboribus, ramis, frondibus, floribus, herbis odoriferis, gramine sternantur, decenter ornentur Ecclesiæ & parietes viarum tapetibus, aulæis & sacris Imaginibus, non autem profanis & varijs figuris seu indignis ornamentis: & reliqua circa Processiones in Cærimoniali Episcoporum ac Rituall Romano seu Processionali, seu Pastorali ad usum Romanum accommodato præscripta accuratissimè serventur.

9. In Processionibus Incolæ obligati erunt, vias mundare, ornare, obstatula removere, inobedientes à Magistratu cogendi sunt.

7. Deputentur item primarij aliquot viri, pro portandâ Umbellâ, sub quâ Sacerdos cum Sacrosancto Eucharistiae Sacramento Processionis ritu incedat. Quandocunque enim in publicis Processionibus Sacrosancta Eucharistia circumfertur, id nunquam posthac nisi sub Umbella fiat, quam Pastores seu Vicepastores in qualibet Ecclesiâ expensis fabricæ vel ex fidelium oblationibus quamprimum sibi comparent.

8. Quæ de Processionibus, supplicationibus & stationibus à Nobis decreta sunt, ea tantò Religiosiùs ab Ecclesiasticis personis omnibus sive sacerdotalibus, sive regularibus obseruentur, quanto reliquis Christianæ vitæ sanctioris professione altius eminent, ut in eos, tanquam in spe. culum, Laici oculos conjiciant, ex ijsque sumant modestiæ ac pietatis exemplum, quod imitantur.

9. Quamobrem dum Processiones cum sanctissimo Sacramento vel sacris Reliquijs & Imaginibus deportatis habentur, nemo adultorum, qui hujusmodi Processionibus interflunt, commestioni aut potui vacet antequam, peractâ cum timore Dei pijsque precibus Processione, singuli ad domos suas revertantur, ac ne tum quidem commensationibus & Symposijs indulgent, sed cibum parcè cum gratiarum actione sumant, ne gratiâ divinâ, quam in sacris Processionibus ambiunt homines, spolientur.

10. Curent quoque Magistratum sacerdotalem imminentem Processionis vel supplicationis die tempestivè præmoneri, si qua in re Officium ejus desideretur, vel ad cohibendam, vel cōcēdātām impiorum insolentiam, vel ad impediendum, ne in viâ quâ procedendum erit esculenta aut poculenta, quasi nundinarum & mercatus tempore, exponantur & vendantur, vel ad removenda quæcunque alia quæ ad excitandam veram pietatem nihil faciunt, sed potius ad vanitates animos relaxant, & à sanctis cogitationibus avocant.

11. Quibuscunque malis moribus, abusibus & corruptelis in Processionibus, supplicationibus & stationibus exoriri solitis, pro Officij nostri debito mederi cupientes omnibus ac singulis Civitatis ac Diœcesis nostræ Pastoribus, Vicepastoribus & verbi Dei Præconibus, tam sacerdotibus, quam Regularibus districte præcipimus, ut Dominico die Festum S. Marci ac triduum Rogationum, quo statæ Processiones majores & minores Litanias decantando juxta pium & laudabilem Ecclesiæ morem servari consueverunt, nec non Festum Corporis Christi, & aliud, quo habenda erit solennis Processio, supplicatio seu statio, ipsum Processionis, supplicationis seu stationis diem proximè antecedente, causam Processionis, supplicationis vel stationis ejusmodi populo disertè exponant, erroresque & abusus in eâ cavendos graviter inculcent, nec non seriò exhortentur Christi fideles, ut omnes ad profitendam fidem suam, ad celebranda Crucis Christi Mysteria, ad honorandum nomen Dei, & ad precandum pro necessitatibus Ecclesiæ Reiq; publicæ conservatione magnâ pietate animorumque concordiâ sub vexillo Crucis Christi convenient, atque nominatim ab abusibus & vitijs in his nostris decretis & constitutionibus damnatis, à cursu, fabulis, risu, Jocis ac quavis aliâ levitate à Reverentiâ & Religione alienâ sibi temperent, sed potius pijs Orationibus, Litarianarum aliarumque precum cantui & recitationi & Mysteriorum, quæ in Processionibus, supplicationibus & stationibus peraguntur, meditationi intenti ex profundo intimoque corde divinam implorent misericordiam, ut nemini dantes ullam offenditionem vituperationibus obloquentum non sint obnoxij.

12. Omnibus Pastoribus, Vicepastoribus, Concionatoribus & Catechistis, alijsque Processionum ac supplicationum præfectis & moderatoribus seriò mandamus, ut populum & supplicantum cœtum admoneant, quod licet per eas Ecclesiæ, in quibus divina decantantur, Processionis.

cessionis aut supplicationis ritucum silentio modestiaque sine cantu & strepitu transire, ibique preces fundere possint, si tamen in eisdem Concio, Catechesis vel exhortatio alia habeantur, quoad fieri potest, ab eorum ingressu abstineant.

13. Cum porro Ecclesiæ Catholice decus non solum in Processionibus, supplicationibus & stationibus ritè & rectè ac secundum Ordinem superiorum à Nobis præscriptum adornatis, verum etiam respondentibus his Officijs divinis atque Ecclesiasticis functionibus maximè eluceat, earumque gravi actione populi pietas foveatur augeaturque; ideò quæcumque his contraria, nugas, levitates & abusus si quæ quovis nomine in ullam Civitatis & Diœcesis nostræ Ecclesiam irrepererunt abolemus.

T I T U L U S VIII.

De Templis.

I.

Cum Ecclesiæ divino cultui dicatae domus dicantur Orationis, easque propterea omnis Sanctitas deceat atque reverentia, meritò de ipsis quoque tanquam loco earum propria, recta & sancta ordinamus.

2. Notum est, non exiguo ad devotionem incitamento esse, si domus Dei munda conservetur, altariaque pro diversitate temporum ritè exornentur, omnibus itaque serio præcipimus, ut non tam propriæ habitationis quam templi curam gerant, omni possibili modo ornatum illius querant, ut Parochiani exteriore munditie & ornatu ad puritatem internam majoremque devotionem magis magisque allientur.

3. In omnibus Ecclesijs ad minus summum Altare adaptetur, idque sic, ut lapis unus solidus tegat superne totum Altare, quod si fieri nequeat, ponatur ut minimum lapis bipedalis in quadro, qui medium Altaris supra eum locum, in quo Reliquiæ sanctorum reconduntur, regat, ponaturque semper Imago Christi Crucifixi in Altaris medio, sitque super illud tabula aliqua sacra piè depicta.

4. Non extruantur plura Altaria quam commodè adornari possint, nec plura quam tria in quolibet Parochiali rurali templo sine nostra auctoritate ædificantur.

5. Tametsi propter hostiles incursus, repentina incendia, aliasque casus inopinatos ad Ecclesijs cum rebus suis confugere, non sit illicitum, ut nihilominus Ecclesiæ non solum nomine, sed verè domus Dei & Orationis censeantur, minimè eas supellestili profanâ sic impleri volumus, ut domus potius sæcularium quam Dei Basilicæ faciem referant.

6. Non parum irreverentia sacris locis ex eo accidere potest, quod quibusdam in locis per totum diem aperta relinquuntur, & hoc pacto non solum furum direptionibus, sed etiam varijs profanationum periculis exponantur, quod ne deinceps contingat, Pastoribus Ecclesiarum in pagis constitutarum præcipimus, ut extra tempus divini Officij easdem clausas habeant.

7. Sicut non alijs, quam Deo sacratis Sacerdotibus Missas cantare aut Sacrificium in Altarilicer immolare, sic nec in alijs quam divino cultui dicatis locis eadem facere fas est, nisi quis ad hoc speciali Privilegio, aut Apostolico aut nostro munitus fuerit, aut summa necessitas exegerit.

8. Hinc etiamsi cuilibet domi suæ liceat habere privatum Orationis causa oratorium, dummodo in eâ campana publicè exposita non pulsetur, non tamen ad sacrificium Missæ factandum, nisi sit ad divinum tantummodo cultum dedicatum & Episcopali nostrâ auctoritate designatum. Alijs si quis in oratorijs intra privatos patientes constitutis, absque summi Pontificis nostrovè consensu celebraret, gravi pœnâ punietur.

9. Quemadmodum ad offerendum Missæ sacrificium necessariò requiritur Altare Lapideum ab Episcopo conlocatum, ita nullum Altare consecratum absque legitima causa & expressa nostra licentia nec nisi certis precibus ac cærimonijs adhibitis destrui debet, quas hic pro maiore cuiusvis notitia libuit subjungere.

G

In